

Na osnovu člana 16.stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona», broj 7/10), a u skladu sa članom 47. Zakona o izvršavanju Budžeta Zeničko-dobojskog kantona za 2012. godinu («Službene novine Zeničko-dobojskog kantona», broj 05/12), Vlada Zeničko-dobojskog kantona, na prijedlog Ministarstva za prostorno uređenje, promet i komunikacije i zaštitu okoline, na 64. sjednici, održanoj 24.05.2012. godine, d o n o s i

ZAKLJUČAK

o usvajanju Programa utroška sredstava Fonda za zaštitu okoline za 2012.godinu, sa razdjela 19 – Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 001, Budžeta Zeničko-dobojskog kantona za 2012.godinu

I.

Usvaja se Program utroška sredstava Fonda za zaštitu okoline za 2012.godinu, na razdjelu 19, budžetska organizacija 01, potrošačka jedinica 0001, ekonomski kodovi: 613700, 613900, 614300, 821300 i 615100, u dijelu sredstava iz Fonda za zaštitu okoline, koji pripada Zeničko-dobojskom kantonu u iznosu od 300.000,00 KM (slovima: tristotinehiljada konvertibilnih maraka) i dijelu sredstava koji pripada općinama – ekonomski kod – 614116 – pozicija „Transferi općinama iz sredstava Fonda za zaštitu okoline“ u iznosu od 900.000,00 KM (slovima: devetstotinahiljada konvertibilnih maraka), i čini sastavni dio ovog zaključka.

II.

Sredstva iz tačke I. ovog zaključka realizovat će se u skladu sa odobrenim mjesečnim operativnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade Kantona.

III.

Za realizaciju ovog Zaključka zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svoje nadležnosti.

IV.

Zaključak stupa na snagu danom donošenja.

Broj: 02-_____/12.
Datum, 24.05.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline
1x Ministarstvo finansija
1x a/a.

P R O G R A M
utroška sredstava Fonda za zaštitu okoline za 2012.godinu

I

Naziv programa: Program utroška sredstava Fonda za zaštitu okoline za 2012.godinu.

Svrha programa: Planirana sredstva Fonda za zaštitu okoline raspoređuju se u skladu sa Odlukom o načinu raspodjele sredstava Fonda za zaštitu okoline broj: 02-14-11841/03 od 28.05.2003. godine kojom se 80% sredstava usmjerava u budžete općina, dok preostalih 20% su pripadajuća sredstva Kantona. Dio sredstva usmjeravati će se u općinske budžete, a trošit će se namjenski za planove i projekte iz oblasti zaštite okoline. Općine su dužne da dostavljaju Izvještaj o utrošku tih sredstava Ministarstvu za prostorno uređenje, promet i komunikacije i zaštitu okoline. Pripadajuća sredstva kantona koriste se za realizaciju projekata zaštite okoline, te za potrebe interventnog djelovanja u slučaju ekoloških incidenata ili elementarnih nepogoda.

Visina sredstava: Budžetom Zeničko-dobojskog kantona za 2012 godinu utvrđena su sredstva Fonda za zaštitu okoline u ukupnom iznosu od 1.200.000,00 KM. Sredstva na poziciji „Transferi općinama iz sredstava Fonda za zaštitu okoline“ u iznosu od 900.000,00 KM, usmjeravaće se u budžete općina.

Dio sredstava Fonda za zaštitu okoline u 2012 godini, koja pripadaju Ministarstvu za prostorno uređenje, promet i komunikacije i zaštitu okoline iznose:

Ekonomski kod	Vrsta izdatka	Iznos sredstava
613700	Izdaci za tekuće održavanje	10.000,00 KM
613900	Ugovorene usluge	145.000,00 KM
614300	Tekući transferi	5.000,00 KM
821300	Nabavka opreme	60.000,00 KM
615100	Kapitalni transfer	80.000,00 KM
Ukupno:		300.000,00 KM

II

Planirana sredstva u iznosu od 300.000,00 KM koja pripadaju Ministarstvu za prostorno uređenje, promet i komunikacije i zaštitu okoline za 2012 godinu će se utrošiti za realizaciju sljedećih projekata.

1. Naziv projekta: Troškovi mjerenja i održavanja mobilne stanice

Cilj projekta: Oprema mobilne stanice za mjerenje kvaliteta zraka zahtjeva redovno održavanje što podrazumijeva tekuće održavanje, potrošni materijal, funkcionalne provjere mjernih instrumenata prema BAS EN standardima, kalibraciju mjernih uređaja, registraciju vozila, itd. a u cilju obezbjeđenja validnih i kontinuiranih rezultata koncentracija zagađujućih materija i meteoroloških parametara u ambijentalnom zraku.

Iznos sredstava: 10.000,00 KM

2. Naziv projekta: Izrada Strategije zaštite okoliša za područje Zeničko-dobojskog kantona

Cilj projekta: Imajući u vidu da se Bosna i Hercegovina opredjelila za proces stabilizacije i pridruživanja EU, a oblast okoliša je jedan od visoko pozicioniranih prioriteta EU, strategija zaštite okoliša ima jednu od

ključnih uloga na tom putu. Osim toga održivi ekonomski razvoj se može postići samo planskim pristupom rješavanju identifikovanih problema, te postavljanjem novih ciljeva koji neće dozvoliti dalje narušavanje kvaliteta okoliša.

Iznos sredstava: 100.000,00 KM

3. Naziv projekta: Izdavanje časopisa o zaštiti čovjekove okoline «ZE-DO EKO»

Cilj projekta : Redovno informisanje o aktivnostima na području svih općina Zeničko-dobojskog kantona, trendovima u oblasti zaštite okoline te podizanje ekološke svijesti svih slojeva stanovništva, a naročito mladih.

Iznos sredstava: 10.000,00 KM

4. Naziv projekta: Napiši priču uradi sliku

Cilj projekta: Ovaj projekat realizira se u saradnji sa NIPP „Naša riječ“ a podrazumijeva izradu literarnih i likovnih radova, sa tematikom zaštite okoline, učenika osnovnih i srednjih škola sa područja Zeničko-dobojskog kantona.

Dodjelom nagrada i završetkom projekta obilježava se 5. juni Svjetski dan zaštite okoline.

Iznos sredstava: 5.000,00 KM

5. Naziv projekta: Izrada glavnih projekata za objekte u kojima će se instalirati oprema za tretman infektivnog otpada

Cilj projekta : U fazi prijave projekta zbrinjavanja infektivnog otpada jedan od uslova aplikacije bila su vlastita ulaganja za predloženi projekat. Vlastita ulaganja su se odnosila na obezbjeđenje prostora (rekonstrukcija, adaptacija ili izgradnja) u kojima će se smjestiti nabavljena oprema za tretman infektivnog otpada. Jedna od aktivnosti u tom procesu je i izrada projektne dokumentacije za sve četiri lokacije.

Iznos sredstava: 20.000,00 KM

6. Naziv programa: Dobivanje Certifikata za mjerenje emisija i imisja

Cilj programa: U želji da se uspostavi odgovarajući sistem upravljanja kvalitetom zraka, neophodna pretpostavka je postojanje validne i certificirane institucije koja će vršiti mjerenja kvaliteta ambijentalnog zraka, kao i mjerenja emisije zagađujućih materija.

Iznos sredstava: 10.000,00 KM

7. Naziv projekta: Projekti nevladinih organizacija

Cilj programa: Pomoć nevladinim organizacijama u organizovanju konkretnih Ekoloških akcija, edukacije i sl. koje uz ekološke i estetske efekte imaju Za cilj i podizanje svijesti svih slojeva stanovništva.

Iznos sredstava: 5.000,00 KM

8. Naziv projekta: Nabavka opreme za mobilnu stanicu

Cilj projekta: Tokom 2011. godine provedena je procedura nabavke opreme za mjerenje koncentracije BTEX-a i H₂S. Oprema je instalirana u januaru 2012. god. Dio sredstava za plaćanje navedene opreme planiran je za 2012. godinu.

Iznos sredstava: 40.000,00 KM

9. Naziv projekta: Nabavka opreme

Cilj projekta: U želji da se uspostavi odgovarajući sistem upravljanja kvalitetom zraka, koji se postiže i odgovarajućim monitoringom neophodna je nabavka dodatne opreme kojom se mogu vršiti potrebna mjerenja emisijskih i imisijskih vrijednosti.

Iznos sredstava: 20.000,00KM

10. Naziv projekta: Adaptacija prostora u zdravstvenim ustanovama

Cilj projekta: U cilju rješavanja problema zbrinjavanja infektivnog otpada iz zdravstvenih ustanova, ministarstvo je apliciralo za dodjelu sredstava Fonda za zaštitu okoliša Federacije BiH. U fazi prijave projekta zbrinjavanja infektivnog otpada jedan od uslova aplikacije bila su vlastita ulaganja za predloženi projekat. Vlastita ulaganja su se odnosila na obezbjeđenje prostora što podrazumijeva adaptaciju i/ili izgradnju objekata u kojima će se smjestiti nabavljena oprema za tretman infektivnog otpada na četiri lokacije (Tešanj, Zavidovići, Zenica i Visoko)

Iznos sredstava: 80.000,00KM

REKAPITULACIJA

R.br	NAZIV PROJEKTA	IZNOS SREDSTAVA (KM)
1.	Troškovi mjerenja i održavanja mobilne stanice	10.000,00
2.	Izrada strategije zaštite okoline	100.000,00
3.	Izdavanje časopisa „ZE-DO eko“	10.000,00
4.	Napiši priču – uradi sliku	5.000,00
5..	Glavi Projekti za adaptacije i izgradnju objekata	20.000,00
6.	Dobivanje sertifikata za mjerenje	10.000,00
7.	Projekti nevladinih organizacija	5.000,00
8.	Nabavka opreme za mjerenje BTX-a i H ₂ S	40.000,00
9.	Nabavka opreme	20.000,00
10.	Adaptacija prostora u zdravstvenim ustanovama	80.000,00
	UKUPNO	300.000,00

Broj: 02- /12.

Datum, 24.05.2012. godine

Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline

1x Ministarstvo finansija

1x a/a.